



Komisija za odlikovanja i priznanja

Broj: 01-04-25-75/25
Lukavac, 03.07.2025.godine

Komisija za odlikovanja i priznanja Gradskog vijeća Lukavac, na osnovu Odluke o priznanjima i nagradi Grada Lukavac („Službeni glasnik Grada Lukavac”, broj: 11/23), u p u ć u j e

JAVNI POZIV

za dostavljanje prijedloga za dodjelu priznanja i nagrade Grada Lukavac u 2025.godini

I

Pozivaju se fizička i pravna lica sa područja Grada Lukavac da, ukoliko ocijene da u njihovoj sredini odnosno na području Grada Lukavac i šire zavisno od vrste priznanja, postoje fizička i pravna lica (pojedinci, preduzeća, ustanove, mjesne zajednice i sl.) koji/a su zaslužili značajno priznanje Grada Lukavac, svoje prijedloge za dodjelu priznanja **dostave Komisiji za odlikovanja i priznanja Gradskog vijeća Lukavac.**

II

Odlukom o priznanjima i nagradi Grada Lukavac utvrđeno je kome se može dodijeliti priznanje i nagrada Grada Lukavac kao i vrsta priznanja, kako slijedi:

- (1) **Povelja počasni građanin Grada Lukavac** može se dodijeliti državljaninu Bosne i Hercegovine ili stranom državljaninu koji je svojim naučnim, kulturnim, humanitarnim ili drugim radom, te svojim naročitim zalaganjem doprinio ugledu ili razvoju Grada Lukavac.
- (2) **Povelja Grada Lukavac za životno djelo** može se dodijeliti pojedincima, državljanima Bosne i Hercegovine sa prebivalištem na području Grada Lukavac, koji su u svom radu i djelovanju postigli izuzetne rezultate od opće društvene vrijednosti ili koji su značajno doprinijeli razvoju i afirmaciji Grada Lukavac na privrednom, naučnom, kulturnom, sportskom, humanitarnom ili drugom planu.
- (3) **Plaketa Grada Lukavac** je priznanje, koje se može dodijeliti zaslužnim pojedincima i pravnim licima.

3.1 Pravnim licima se može dodijeliti Plaketa Grada Lukavac:

- za ostvarene izuzetne rezultate u radu,
- za mjerljiva ulaganja u proširenje proizvodnih kapaciteta i zapošljavanje,
- za postignute izuzetne rezultate u oblasti nauke, kulture, prosvjetne djelatnosti, vjerskog života, sporta, zdravstva, bezbjednosti i drugim područjima života i rada, kao i razvoju komunalne infrastrukture, zaštiti radne i prirodne sredine, te razvoju dobrih međuljudskih odnosa,
- za doprinos u odbrani zemlje,
- za doprinos u ostvarivanju prava građana, promicanje demokratskih principa i ljudskih prava i sloboda,
- za vidljiv doprinos poboljšanju uslova rada i života u MZ na području Grada Lukavac;
- za promicanje ugleda Grada Lukavac u zemlji i inozemstvu,
- za vidljiv i mjerljiv razvoj i unapređenje kvaliteta življenja i očuvanja okoliša na području Grada Lukavac.

3.2 Plaketa Grada Lukavac se može dodijeliti fizičkim licima (pojedincima):

- za inovacije u tehničkim i informacionim oblastima,
- za posebno vidljiv i mjerljiv način doprinosa razvoju lokalne samouprave u Mjesnim zajednicama i poboljšanju uslova života građana,
- za doprinos uspostavljanju organa MZ kao i udruženja na području Mjesne zajednice, te mjerljiv doprinos u njihovom radu,
- za ostvarene posebne rezultate u sportu, vaspitno-obrazovnom radu, naučnom radu, umjetnosti i kulturi, na međunarodnom, državnom i federalnom nivou,
- za izuzetan doprinos u odbrani zemlje,
- za izuzetno humane akcije i pomoći,
- za ugled i visoke moralne vrijednosti,
- za izuzetan doprinos u drugim područjima života i rada.

(4) **Medalja za popularizaciju i promociju aktivizma mladih** je nagrada koja se dodjeljuje mladima Grada za popularizaciju i promociju aktivizma mladih u lokalnoj zajednici, inovativne ideje i ostvarenja koja su doprinijela ili mogu doprinijeti promjenama u društvu, oblasti ljudskih prava, vladavine zakona, zaštite okoliša, obrazovanja, kulture, umjetničkog stvaralaštva, te inovacije i ostvarenja koja su podigle standarde kvalitete života mladih, ali i drugih osoba u svojoj lokalnoj zajednici.

U jednoj godini se može dodijeliti 1 (jedna) Povelja počasni građanin Grada Lukavac, 1 (jedna) Povelja Grada Lukavac za životno djelo, najviše 5 (pet) Plaketa - 2 (dvije) pravnim i 3 (tri) fizičkim licima i najviše (3) Medalje Grada Lukavac za popularizaciju i promociju aktivizma mladih.

III

Prijedlog za dodjelu priznanja treba obavezno da sadrži:

- podatke o podnosiocu zahtjeva uz obavezno navođenje načina kontaktiranja,
- ime, prezime i adresu pojedinca, bro telefona, odnosno naziv i sjedište pravnog lica koji se predlažu za dodjelu priznanja,
- obrazloženje prijedloga za dodjelu priznanja,
- raspoloživu dokumentaciju kojom se potvrđuju navodi iz obrazloženja,
- naziv priznanja za koje se prijedlog podnosi.

Prijedlog za dodjelu priznanja treba biti potpisan od strane podnosioca zahtjeva uz koji se obavezno prilaže i odgovarajuća dokumentacija kojom se dokazuju odnosno potkrijepljuju navodi iz prijedloga.

Prijedloge bez propisane sadržine iz tačke III Javnog poziva Komisija neće uzeti u razmatranje.

IV

Prijedloge dostaviti Komisiji za odlikovanja i priznanja Gradskog vijeća Lukavac putem pisarnice ili poštom **najkasnije do 01.08.2025.godine (petak) do 15,00 sati**, a bliže informacije mogu se tražiti na broj telefona 035/553-253.



PREDSJEDNIK KOMISIJE

Muhamed Žigić